



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones Clementis XII. ab Anno V. usque ad X.

**Luxemburgi, 1748**

CXLVII. Summarium Indulgentiarum, quæ conceduntur Fratibus, &  
Sororibus Ordinis Servorum B. M. V., & Confratribus septem Dolorum,  
Ordinis Ecclesias Statutis anni diebus Visitantibus, vel etiam ...

---

[urn:nbn:de:hbz:466:1-75393](https://nbn-resolving.org/urn:nbn:de:hbz:466:1-75393)

concordaverint, ullo modo suffragari posse, aut debere.

Obstantium derogatio.

§. 7. Non obstantibus Constitutionibus, & Ordinationibus Apostolicis, præsertim quibus facultas absolventi in certis tunc expressis casibus ita Romano Pontifici pro tempore existenti reservatur, ut nec etiam similes, vel dissimiles Indulgentiarum, & facultatum huiusmodi concessiones, nisi de illis expressa mentio, aut specialis derogatio fiat, cuiquam suffragari queant, necnon regula nostra de non concedendis Indulgentiis ad instar, ac quorumcumque Ordinum, & Congregationum, sive Institutum regularium, etiam iuramento, confirmatione Apostolica, vel quavis firmitate alia roboratis statutis, & consuetudinibus: privilegiis quoque, indultis, & literis Apostolicis eisdem Ordinibus, Congregationibus, & Institutis, illorumque personis quomodolibet concessis, approbatis, & innovatis. Quibus omnibus, & singulis, etiam si de illis, eorumque totis tenoribus specialis, specifica, expressa, & individua, non autem per clausulas generales idem importantes, mentio, seu quævis alia expressio habenda, aut aliqua alia exquisita forma ad hoc servanda foret, illorum tenores præsentibus pro sufficienter expressis, ac formam in eis traditam pro servata habentes, hac vice specialiter, nominatim, & expresse ad effectum præmissorum derogamus, ceterisque contrariis quibuscumque.

Fides transumptorum.

§. 8. Ut autem præsentibus nostræ, quæ ad singula loca deferri non possunt, ad omnium notitiam facilius deveniant, volumus, ut earundem præsentium transumptis, vel exemplis, etiam impressis, manu alicujus Notarii publici subscriptis, & sigillo personæ in Dignitate Ecclesiastica constitutæ munitis ubique locorum, & gentium eadem prorsus fides habeatur, quæ haberetur ipsis præsentibus, si forent exhibitæ, vel ostensæ.

Dar. die 3. Decemb. 1734. An. V.

Datum Romæ apud Sanctam Mariam Majorem sub Annulo Piscatoris die 3. Decembris 1734. Pont. nostri Anno V.

F. Card. Oliverius.

Anno a Nativitate Domini Nostri Jesu Christi millesimo septingentesimo trigesimo quarto, Indictione duodecima, die vero quarta Decembris, Pontificatus Sanctissimi in Christo Patris, & Domini Nostri Domini Clementis Divina Providentia Papæ XII. anno quinto, supradictæ Literæ Apostolicæ affixæ, & publicatæ fuerunt ad valvas Basilicarum Lateranensis, Vaticanæ, & Liberianæ, Cancellariæ Apostolicæ, Montis Cimatorii, Aciei Campi Floræ, ac aliis locis solitis, & consuetis Urbis per me Petrum Righi Apostolicum Cursorem. Franc. Bartolottus Magister Curforum.

CXLVII.

Summarium Indulgentiarum, quæ conceduntur Fratribus, & Sororibus Ord. Servorum B. M. V., & Confratribus septem Dolorum, Ordinis Ecclesiæ statutis anni diebus visitantibus, vel etiam Coronam septem Dolorum nuncupatam recitantibus, adimplendo insuper nonnulla pia opera, quæ in hac Constitutione præscribuntur.

CLII. MENS EPISCOPUS

*Servus Servorum Dei, Ad perpetuam rei memoriam.*

Exordium.

UNigeniti Filii Dei Salvatoris nostri Jesu Christi, qui pro reconcilianda auctori suo humana natura de Cælis ad Mundi hujus infima descendere, nostræque mortalitatis carnem sumere, & tandem errata nostra ineffabili dignatus est charitate diluere, vices, licet immeriti gerentes in Terris; gregem Dominicum curæ no-

stræ commissum ad viam salutis æternæ perducere satagentes, Religiosos Virorum, & Sanctimonialium Familias, aliosque utriusque sexus Christianifideles, quorum merita pro demeritis penitus sunt imparia ad pia, & meritoria opera exercenda, propositis spiritualibus Indulgentiarum muneribus, ita excitamus, ut per ea felicitatis æternæ præmia facilius consequi mereantur.

§. 1. Cum itaque, sicut accepimus, Ordo Fratrum Servorum B. M. V. nuncupatorum a suis primordiis ad hæc usque tempora Catholicæ Ecclesiæ admodum utilis, & fructuosus extiterit, & dilecti Filii ejusdem Ordinis Fratres quamplurima Christianæ pietatis, & charitatis opera sedulo exercuerint, & præsertim in æterna Christianifidelium salute procuranda assiduos labores alacriter susceperint, ac dilectus Filius noster Petrus Maria tituli S. Joannis ante Portam Latinam nuncupati S. R. E. Presbyter Cardinalis Pieri nuncupatus, qui Ordinem ipsum expresse professus Prioris generalis, & nonnulla alia dicti Ordinis munera, & officia laudabiliter sustinuit, dudum, suas preces pro quibusdam Indulgentiarum, & peccatorum remissionibus, ac penitentiarum relaxationibus, aliisque gratis spiritualibus favore dictorum Fratrum, & Ecclesiarum ab eis administratarum, nec non super recitatione infra scriptæ Coronæ, quæ septem Dolorum nuncupatur, ac alias ab Apostolica Sede reportandis nobis humiliter porrexerit, & nos ad præmissorum effectum particularem videlicet dilectorum etiam Filiorum nostrorum Antonii Xaverii de Gentilibus Pro-Datarii nostri, & Joannis Antonii Guadagni nostri in Urbe, ejusque districtu Vicarii in spiritualibus generalis, ac Marcelli Passeri respective nuncupatorum nostri Pro-Auditoris respective Presbyterorum ejusdem S. R. E. Cardinalium Congregationem, assignato illi in Secretarium Ven. Fratre nostro Carolo Alberto Cavalchini moderno Archiepiscopo Philippensi Apostolica Auctoritate deputaverimus; Eidemque Congregationi sic a nobis, ut præfertur, deputatæ opportunas ad id facultates concesserimus: Deinde vero sub die 31. Mensis Maii proxime præteriti Antonius Xaverius, & Joannes Antonius, ac Marcellus Cardinales præfati insimul Congregati, & re mature discussa infra scriptas Indulgentias, & peccatorum remissiones, ac penitentiarum relaxationes, aliasque gratias per nos, ut infra concedendas censuerint; Postmodum vero dictus Carolus Albertus Archiepiscopus relationem dictæ Congregationis, & eorum, quæ in illa ab Antonio Xaverio, ac Joanne Antonio, & Marcello Cardinalibus præfatis pertractata, quæque a nobis concedi posse eis visa fuerunt sub die 11. Mensis Augusti etiam proxime præteriti nobis fecerit.

Ordinis Servorum B. V. laudes enarrat.

Clemens Congregationem particularem super instantiis ab eodem Ordine porrectis deputat.

§. 2. Nos, qui erga dictum Ordinem peculiarem devotionis affectum semper gessimus, ejusdem Ordinis Protectoris munus olim a bo. me. Nereo dum viveret ejusdem S. R. E. Cardinale Corfini nuncupato patruo nostro obtentum dum Cardinalatus honore fungebamur per plures annos egimus, & ad Summi Apostolatus apicem divina favente clementia assumpti, quoad vivemus, retinendum duximus, quique quando Deo placuerit, vita functi fuerimus ad illud obendum dilectum etiam Filium nostrum Nereum dictæ S. R. E. Diaconum Cardinalem etiam Corfini nuncupatum nostrum, secundum carnem ex fratre germano Nepotem per literas Apostolicas in forma Brevis sub Annulo Piscatoris desuper expeditas Apostolica auctoritate præfata deputavimus; Petrum Mariam Cardinalem, ac Fratres Ordinis huiusmodi, aliosque Christianifideles Ecclesiæ dicti Ordinis frequentantes, Christianæque pietatis opera penes eosdem Fratres, aut alias exercentes specialibus favoribus, & gratis prosequi volentes, ac omnes, & quascumque In-

De ejusdem Congregationis consilio Indulgentias alias Ordini concessas, ejusque Ecclesiis visitantibus, ac præcipue Confratribus Septem Dolorum;

dulgentias;

Indulgentias, peccatorum remissiones, & penitentiarum relaxationes per quoscumque Romanos Pontifices Prædecessores nostros Fratribus præfatis, & Monialibus dicti Ordinis ac utriusque sexus Christianidelium Confraternitatibus septem Dolorum ejusdem Beatæ Mariæ Virginis nuncupatis auctoritate pro tempore existentis Prioris generalis dicti Ordinis, ac vigore facultatis ei ab Apostolica Sede impartitæ Canonice erectis, eardemque Confraternitatum Confratribus, nec non aliis Christianidelibus Christiana pietatis opera hujusmodi penes illos exercentibus hæcenus concessas, & præsertim Indulgentiam plenariam Confratribus hujusmodi processioni septem Dolorum nuncupatæ, quolibet mense fieri solite interessentibus per fe. re. Paulum Papam V. Prædecessorem nostrum per suas binas, quasdam videlicet sub datum Romæ die 10. Mensis Martii Anni Domini 1611. alteras vero sub datum Tusculi die 7. Mensis Junii ejusdem anni 1611. in forma Brevis sub annulo Piscatoris desuper expeditas literas Apostolicas concessas, & successive per piæ mem. Innocentium PP. XI. similiter Prædecessorem nostrum per alias suas etiam in forma Brevis sub annulo Piscatoris desuper sub datum Romæ die 24. Mensis Octobris Anni ejusdem Domini 1682. etiam expeditas literas Apostolicas confirmatas, quas omnes, dummodo illæ præsentibus non repugnent, salvas, & illas esse intendimus, illorumque ac aliarum infrascriptarum literarum Apostolicarum re. me. Benedicti XIII. etiam Prædecessoris nostri, nec non infrascripti Summarii tenores etiam veriores, ac datas præsentibus pro expressis habentes motu proprio, & ex certa scientia, ac matura deliberatione nostris, deque Apostolicæ potestatis plenitudine, & ex voto Congregationis particularis hujusmodi. Omnibus, & singulis utriusque sexus Christianidelibus saltem contritis illis videlicet, qui præfatas Ecclesias dicti Ordinis quocumque anni die devote visitaverint, inibique saltem Orationem Dominicam, & Salutationem Angelicam pro Christianidelibus tam viventibus, quam in Christi charitate Defunctis per modum Suffragii semel recitaverint quinquaginta dies. Iis vero, qui horis Canonicis in Ecclesiis Ordinis hujusmodi decantandis, seu recitandis, & qui Antiphonæ -- *Salve Regina* -- inibi pariter singulis anni diebus decantari, seu recitari solitæ respective devote interfuerint, & pro Sanctæ Mariæ Ecclesiæ exaltatione, hæresum extirpatione, hæreticorum, & infidelium conversione, ac inter Christianos Principes concilianda, & fovenda pace, concordia, & unione, ac pro tempore existentis Romani Pontificis salute, piæ ad Deum preces effuderint, ac qui Ecclesias Ordinis hujusmodi in earum dedicationem respective diebus a primis Vesperis usque ad occasum solis dierum hujusmodi, nec non vere penitentes, & confessi, singulis Sabbathi diebus respective etiam devote visitaverint, inibique, ut supra oraverint, quoties id egerint respective centum dies, & eisdem utriusque sexus Christianidelibus, etiam vere penitentibus, & confessis, ac Sacra Communionem refectis, qui a Dominica Septuagesimæ usque ad Dominicam Palmarum inclusive semel in unoquoque die septies Orationem Dominicam, ac toties Salutationem Angelicam præfatas recitantes, ac Feria quarta Majoris Hebdomadæ, Feria quinta in Cæna Domini, & Feria sexta in Parasceve cum elemosynæ impartitione; & singulis tertiis cujuslibet mensis feriis, exceptis tamen illis, quæ præfato tempore intra Septuagesimæ, & Palmarum Dominicis hujusmodi includæ, ac septies eisdem Orationem Dominicam, & toties Salutationem Angelicam, sive Vesperas Defunctorum recitando omnibus Domini nostri Jesu Christi, una tantum, ac septem ejusdem Beatæ Mariæ Virginis duabus tantum infrascriptis, & per infrascriptos

Superiores Regulares eligendis respective exceptis respective festivitibus, & per octo dies festivitatem ejusdem B. M. V. septem Dolorum nuncupatæ, tertia Dominica Mensis Septembris celebrari solitam, etiam illa ad aliam diem canonicè transferri contingat sequentes, ac singulis Sancti Josephi, Sancti Augustini, & omnium Sanctorum ejusdem Ordinis, & cum elemosynæ hujusmodi impartitione, Inventionis, & Exaltationis Sanctæ Crucis respective festivitibus etiam aliqua illarum canonicè, ut præferatur, transferatur, respective a primis Vesperis usque ad occasum solis dierum, in quibus omnes, & singulæ festivitates hujusmodi celebrabuntur, & quoad Inventionis, & Exaltationis hujusmodi festivitates præfatas, etiam per octo dies illas respective sequentes singulis annis eisdem Ecclesiis d. Ordinis respective etiam, devote visitaverint, inibique etiam pro S. Matris Ecclesiæ exaltatione, Hæresum extirpatione, ac alias, ut præferatur, piæ ad Deum preces effuderint, respective septem annos, & totidem Quadragenas de injunctis eis, aut alias quomodolibet debitis penitentibus in forma Ecclesiæ consueta misericorditer in Domino perpetuo relaxamus. Item eisdem utriusque sexus Christianidelibus, etiam vere penitentibus, & confessis, ac præfata Sacra Communionem refectis, qui Orationi quadraginta horarum continuarum, non autem interpolatarum de locorum ordinariorum licentia in qualibet ex dictis Ecclesiis præfati Ordinis semel in anno tantum instituendæ per aliquod temporis spatium devote interfuerint, & ut præferatur, piæ ad Deum preces effuderint, ac in una ex solemnitatibus ejusdem Domini nostri Jesu Christi, Orationem Dominicam, & Salutationem Angelicam septies, sive Vesperas Defunctorum recitando, & in duabus respective a Superioribus localibus dicti Ordinis eligendis (quæ tamen cum electæ fuerint, amplius variari non possint) ex septem ejusdem B. M. V. respective festivitibus, ac in illius septem Dolorum, ut præferatur, nuncupatæ, & Dominica tertia Mensis Septembris, ut præferatur, celebrari solita festivitæ, etiam illa in aliam diem, ut præferatur, canonicè transferri contingat, respective etiam a primis Vesperis usque ad occasum solis singularum quatuor ultimo dictarum festivitatum eisdem Ecclesiis dicti Ordinis etiam annis singulis devote visitaverint, inibique pro dictæ Sanctæ Mariæ Ecclesiæ exaltatione, ac alias, ut præferatur, respective piæ ad Deum preces effuderint, & quoad ultimo dictam festivitatem apud Altare, seu Cappellam septem Dolorum ejusdem B. M. V. nuncupatæ, etiam devote oraverint, quoties id in unaquoque ex quatuor posterioribus festivitibus hujusmodi egerint, nec non præfatis utriusque sexus Christianidelibus, etiam vere penitentibus, & confessis, ac dicta Sacra Communionem, si id commode fieri poterit, refectis, vel saltem contritis, qui antequam ex hac vita migraverint, etiam in eorum mortis articulo, in interioris penitentia signum habitum per Fratres quoad Viros & quoad Mulieres per Tertiarias dicti Ordinis respective gestari solitum, deferendum, etiam post illorum obitum humiliter petierint, respective plenariam omnium, & singularum suorum peccatorum Indulgentiam, & remissionem Apostolica auctoritate præfata, etiam perpetuo concedimus, & impartimur, & eisdem Fratribus, & Monialibus dicti Ordinis expresse professis, etiam vere penitentibus, & confessis, ac dicta sacra Communionem refectis, præfatas Ecclesias ejusdem Ordinis in Nativitatis, Præsentationis, Annunciationis, Visitationis, Purificationis, & Assumptionis ejusdem Beatæ Mariæ Virginis respective festivitibus a primis Vesperis usque ad occasum solis singularum sex festivitatum hujusmodi singulis annis devote, & quoad Moniales præfatas intra Claustra eorum respective Monasteriorum annis singulis visitantibus, inibique pro Sanctæ Mariæ Ecclesiæ exaltatione, ac alias,

Vel Festo septem Dolorum:

Aliorumque Sanctorum hic expressorum.

Vel in Oratione Quadraginta Horarum.

Aliaque opera adimplendo:

Habitu gestantibus per eosdem Fratres deferri solitum.

Confratribus eisdem Ecclesiis statutis hic diebus visitantibus.

Monialibus quoque Ordinis.

Novas concessit Indulgentias.

Eisdem Ecclesiis visitantibus, ibique orantibus:

In iis horis Canonicis assistentibus, & recitationis *Salve Regina* præsentibus.

Eisdem Ecclesiis visitantibus in die Dedicationis illarum, vel quolibet anni Sabbatho.

Vel in diebus Quadagesimæ.

Aut singulis tertiis feriis inibi orantibus Sacramento Eucharistiæ suscepto;

ut præfertur, pias ad Deum preces effluentibus, infirmitatis tamen, aut gravis senii causa hoc facere impeditis existentibus, aliquod aliud ad arbitrium Superioris localis Regularis pium opus peragentibus, singulis sex festivitibus hujusmodi respectivè plenariam omnium, & singulorum peccatorum suorum Indulgentiam, & remissionem per eos ad illorum arbitrium pro Fratrum, & Monialium dicti Ordinis, illorumque, & illarum consanguineorum, & insignium Benefactorum respectivè animabus, quæ Deo in charitate conjunctæ ab hac luce migraverint, per modum suffragii applicabilem, eadem Apostolica auctoritate etiam perpetuo concedimus, & impartimur: eisdemque Fratribus, & Monialibus, ut supra pœnitentibus, & confessis, ac eadem Sancta Communione etiam refectis, de ejusdem Superioris licentia omnibus, & singulis Vigilis Festivitatum ejusdem B. M. V. in pane, & aqua, aut hoc facere nequeuntibus in pane, & vino, & seu etiam id nequeuntibus; uno tantum ferculo per communitatem apposito ad arbitrium ejusdem Superioris, addito, jejnantibus, & per dimidium horæ, de eadem B. Mariæ Virginis devote meditandis, quoties id egerint, septem annos, & totidem Quadragenas de injunctis eis, aut alias, ut præfertur, debitis pœnitentis etiam pro Fratrum, & Monialium, eorumque consanguineorum; & insignium Benefactorum hujusmodi animabus præfatis, quæ, ut præfertur, Deo in charitate conjunctæ ab hac luce migraverint, applicabiles similiter in forma Ecclesiæ consueta pariter perpetuo relaxamus.

§. 3. Ac insuper, ut Christianus Populus ad Dei cultum sub ejusdem B. Mariæ Virginis auspiciis, ferventius accendatur, quascumque Indulgentias, & peccatorum remissiones, ac pœnitentiarum relaxationes, Coronam, quæ in septem principalium Dolorum, quos eadem B. M. Virgo in Unigeniti Filii sui vita, & obitu passa fuit, recordationem ex septem septennariis Angelicarum Salutationum, septemque Dominicis Orationibus, nec non tribus aliis Salutationibus Angelicis in honorem lacrimarum ejusdem B. Mariæ Virginis cum peculiari dolorum hujusmodi explanatione, & meditatione composita existit, pie recitantibus ab eodem Benedicto Prædecesore per suas literas Apostolicas etiam in forma Brevis sub die 26. mensis Septembris Pontificatus sui anno primo expeditas, & incipientes -- *Redemptionis Domini* -- concessas, & impartitas, & in earum Summario typis impresso contentas, illis tamen exceptis, quæ in §. V. ejusdem Summarii continentur, quæque tantummodo per nos revocatz, & abrogatz censeantur, dicta Apostolica auctoritate similiter perpetuo confirmantes, & approbantes. Omnibus utriusque sexus Christianis, qui etiam vere pœnitentes, & confessi, seu firmum confitendi propositum habentes, præfatam Coronam, ab aliquo ex Fratribus dicti Ordinis mediate, vel immediate receptas pie & devote recitaverint, quoties id egerint, centum annos, illis vero, qui Coronam præfatam, ut præfertur, receptam secum ferentes, illam singulis secundis, quartis, & sextis feriis, ac de præcepto Ecclesiæ festis diebus etiam devote recitaverint, & subinde etiam vere pœnituerint, & confessi fuerint, centum quinquaginta annos; & eisdem Christianis, qui conscientie suæ examine rite peracto, etiam vere pœnitentes, & confessi, præfatam Coronam, etiam devote recitaverint, & pro Sanctæ Matris Ecclesiæ exaltatione, Hæresum extirpatione, ac Catholice Religionis augmento pias ad Deum preces effuderint ducentos Annos, eisdemque Christianis pariter vere pœnitentibus, & confessis, ac Sacra Communione præfata etiam refectis, ac Coronam præfatam frequenter recitare, secumque deferre solitis, quoties ipsi Sacrosanctæ Missæ Sacrificio, aut Sacris Concionibus, debita cum at-

entione interfuerint, aut ipsum SS. Eucharistiæ Sacramentum, dum ad aliquem infirmum deferretur, affociaverint, sive devium aliquem ab hæretica pravitate, aut blasphemia, seu detractionis culpa, aut alias ad viam salutis reducerint, sive pacem cum inimicis propriis, vel alienis composuerint, aut septies Orationem Dominicam, & totidem Salutationes Angelicas præfatas devote recitantes, aliquod aliud Spirituales, vel Corporales Misericordiarum opus in eorundem Domini Nostri Jesu Christi, & B. Mariæ Virginis, sive alterius Sancti eorum Patroni honorem egerint, decem annos respectivè de injunctis eis, aut alias, ut præfertur, debitis pœnitentis etiam in forma Ecclesiæ consueta similiter misericorditer in Domino relaxamus, nec non eisdem utriusque sexus Christianis, qui quater in qualibet hebdomada memoratam Coronam recitare soliti fuerint, die per unumquemque ex eis eligenda vere pœnitentes, & confessi præfatum SS. Eucharistiæ Sacramentum sumperint, & ipsam Coronam devote recitaverint, semel in anno; Ac præfatis utriusque Sexus Christianis, qui per integrum mensem præfatam Coronam quotidie recitaverint, & deinde vere pœnitentes, & confessi dictaque Communione refecti pro Sanctæ Matris Ecclesiæ exaltatione, Christianorum Principum pace, & concordia, ac Hæresum extirpatione pias ad Deum preces effuderint, & quoad Fratres, & Moniales, si ipsi integram Coronam præfatam recitare nequeunt in casu tamen verè impotentie tantum, aliquem hymnum ejusdem B. M. V. recitaverint, respectivè plenariam omnium, & singulorum peccatorum suorum Indulgentiam, & remissionem etiam perpetuo concedimus, & impartimur.

§. 4. Præterea quia a nonnullis dubitatum fuit, an Fratres, & Moniales præfati de Indulgentiis, Peccatorum remissionibus, ac pœnitentiarum relaxationibus præfatis Confratribus, ut præfertur concessis hujusmodi participant. Nos omnem, & quantumque ambiguitatem quavis occasione, vel causa, aut alias quomodolibet insurgentem de medio tollere volentes, Fratres, & Moniales hujusmodi de omnibus, & singulis Indulgentiis, Peccatorum remissionibus, ac pœnitentiarum relaxationibus eisdem Confratribus per quoscumque Romanos Pontifices, etiam Prædecesores nostros hæcenus quomodolibet concessis, & impostero concedendis ( dummodo tamen per eosdem Fratres, & Moniales opera dictis Confratribus injuncta adimplentur) vere participare, illasque valide lucrari posse motu, scientia, & potestatis plenitudine paribus, dicta Apostolica auctoritate etiam perpetuo volumus, & declaramus.

§. 5. Demum, quod præfata Indulgentia animabus Christianis, quæ similiter Deo in Charitate conjunctæ ab hac luce migraverint, per modum Suffragii applicari possint. Item de Omnipotentis Dei, ac Beatorum Petri, & Pauli Apostolorum ejus auctoritate consisti, quod quotiescumque quilibet Presbyter Regularis dicti Ordinis Missam Defunctorum juxta dicti Ordinis statuta pro animabus Fratrum, & Monialium ejusdem Ordinis, quæ similiter Deo in Charitate conjunctæ ab hac luce migraverint, in eorum Ecclesiis dumtaxat celebraverint, animæ ipsæ de Thesuro Ecclesiæ per modum Suffragii Indulgentiam consequantur, ita ut ejusdem Domini Nostri Jesu Christi, ac Beatissimæ Virginis Mariæ, Sanctorumque omnium meritis eis suffragantibus, a Purgatorii pœnis liberentur, Apostolica auctoritate præfata etiam perpetuo concedimus, & indulgemus.

§. 6. Præfentes quoque literas nullo unquam tempore de subreptionis, aut nullitatis vicio, vel intentionis nostræ, seu alio quantumvis substantiali defectu notari, impugnari, vel annullari posse, sed illas semper & perpetuo validas, & efficaces fore, & esse, suorumque plenarios, & integros effectus fortiri, & obtinere, & omnibus,

Indulgentiæ  
recitantibus  
Coronam se-  
ptem Dolorum  
appellatam.

Indulgentiæ  
Confratribus  
septem Dolorum  
concessæ  
ad Fratres, &  
Sorores Or-  
dinis præfati  
extendantur.

Fratribus  
pro anima-  
bus Defun-  
ctorum cele-  
brantibus ex  
a Purgatorio  
liberantur.

Hæc lite-  
ras perpetuo  
valituras de-  
clarat.

ad quos nunc spectat, & pro tempore quomodolibet spectabit in futurum in omnibus, & per omnia plenissime suffragari, sicque, & non alias per quoscumque Judices Ordinarios, vel delegatos, quavis auctoritate fungentes, etiam Causarum Palatii Apostolici Auditores, ac dicti Ordinis pro tempore existentem Protectorem, ac alios quoscumque ejusdem S. R. E. Cardinales etiam de Latere Legatos, Vice-Legatos, dictaque Sedis Nuncios, sublata eis, & eorum cuilibet quavis aliter judicandi, definiendi, & interpretandi facultate, & auctoritate, & iudicari, defini, & interpretari debere, & si secus super his a quoquam quavis auctoritate scienter, vel ignoranter contigerit attentari, irritum, & inane decernimus.

Derogat obstantibus.

§. 7. Non obstantibus quatenus opus sit nostra, & Cancellaria Apostolica Regula de Indulgentiis concedendis ad instar, aliisque etiam in synodalibus, Provincialibus, Generalibus, Universalibusque Conciliis editis, vel edendis specialibus, vel generalibus Constitutionibus, & Ordinationibus Apostolicis, privilegiis quoque, Indultis, & literis Apostolicis quibusvis personis etiam in genere, vel in specie in contrarium praemissorum quomodolibet concessis, approbatis, & innovatis, quibus omnibus, & singulis etiam si pro illorum sufficienti derogatione de illis, eorumque totis tenoribus specialis, specifica, expressa, & individua, ac de verbo ad verbum non autem per clausulas generales idem importantes mentio, seu quavis alia expressio habenda, aut aliqua ex qua sita forma ad hoc servanda foret, eorum tenores, praesentibus pro plene, & sufficienter expressis habentes, illis alias in suo robore permanentibus latissime, & plenissime, ac specialiter motu, scientia, & potestatis plenitudine similibus derogamus, ceterisque contrariis quibuscumque.

Coronas vendi prohibet sub pena cessationis Indulgentiarum.

Transumptis harum literarum creditur creditur.

§. 8. Volumus autem, quod praefata Corona nemini possint vendi, nec commodari, & si secus fiat, Indulgentia pro illarum recitatione, ut praefertur concessa, & impartita cessent, nulliusque sint roboris, vel momenti, quodque earundem praesentium transumptis, etiam typis impressis, manu alicujus Notarii publici subscriptis, & Sigillo alicujus personae in Ecclesiastica dignitate constitutae munitis eadem prorsus fides in iudicio, & extra illud adhibeatur, quae eisdem praesentibus adhiberetur si illae exhibitae forent, vel ostensa.

Firmitas concessionum.

§. 9. Nulli ergo omnino hominum liceat hanc paginam nostrae relationis, concessionis, impartitionis, confirmationis, approbationis, declarationis, Indulti, Decreti, derogationis, & voluntatis infringere &c.

Dat. die 9. Decem. 1734. An. V.

Datum Romae apud Sanctam Mariam Majorem Anno Incarnationis Dominicae Millesimo Septingentesimo trigesimo quarto, quinto Idus Decembris, Pontificatus nostri Anno V.

CXLVIII.

Superiores Regulares, etiam locales Ordinis Servorum B. M. V. facultate gaudent Ecclesiastica Indumenta ad hujus Ordinis Ecclesias pertinentia benedicendi, dummodo in benedictione hujusmodi Sacri Olei unctio non adhibeatur.

CLEMENS EPISCOPUS

Servus Servorum Dei. Ad perpetuam rei memoriam.

Prooemium.

Superna dispositione, cujus inscrutabili providentia ordinationem suscipiunt universa, in Apostolica S. collocati de Religiosis viris, qui sub peculiaribus Institutis Deo ferventius famulantur, praecipuam gerimus curam, illosque privi-

legiis augere, ac favoribus prosequi satagimus opportunis.

§. 1. Cum itaque, sicut accepimus, Ordo dilectorum filiorum Fratrum Servorum B. Mariae Virginis nuncupatorum a suis primordiis ad haec usque tempora Catholicae Ecclesiae admodum utilis, & fructuosus extiterit, ac dilectus filius noster Petrus Maria tituli S. Joannis ante Portam Latinam nuncupati S. R. E. Presbyter Cardinalis Pieri nuncupatus, qui Ordinem ipsum expresse professus Prioris Generalis, & nonnulla alia dicti Ordinis munera atque Officia laudabiliter sustinuit, dum suas preces pro quibusdam gratis spiritualibus favore dictorum Fratrum, & Ecclesiarum ab eis administratarum ab Apostolica Sede reportandis nobis humiliter porrexerit. Et nos ad praemissorum effectum particularem videlicet dilectorum etiam filiorum nostrorum Antonii Xaverii de Gentilibus Pro-Datarii nostri, & Joannis Antonii Guadagni nostri in Urbe, ejusque Districti Vicarii in spiritualibus generalis, ac Marcelli Piferi respective nuncupatorum nostri Pro-Auditoris respective Presbyterorum ejusdem S. R. E. Cardinalium Congregationem, assignato illi in Secretarium, V. F. N. Carolo Alberto Cavalchini moderno Archiepiscopo Philippensi Apostolica auctoritate deputaverimus, eidemque Congregationi sic a nobis, ut praefertur, deputatae opportunas ad id facultates concesserimus. Deinde vero sub die 31. mensis Maii proxime praeteriti Antonii Xaverii, & Joannes Antonius, ac Marcellus Cardinales praefati insimul congregati, & re mature discussa inter alia infrascriptum Indultum per Nos concedendum censuerunt; postmodum vero dictus Carolus Albertus Archiepiscopus relationem dictae Congregationis, & eorum, quae in illa ab Antonio Xaverio, & Joanne Antonio, ac Marcello Cardinalibus praefatis pertractata, quaeque a nobis concedi posse eis visa fuerunt sub die 11. mensis Augusti etiam proxime praeteriti nobis fecerit.

Ad preces Cardin. Pieri instituta Cardinalium Congregatio ad examinandum quas gratias spirituales huic Ordini concedi conveniret.

§. 2. Nos, qui erga dictum Ordinem peculiarem devotionis affectum semper gessimus, ejusdemque Ordinis Protectoris munus olim a bo. me. Nereo dum viveret ejusdem S. R. E. Cardinalis Corsini nuncupato Patruo nostro obtentum, dum Cardinalatus honore fungebamur per plures annos egimus, & ad Summi Apostolatus apicem divina favente clementia assumpti, quoad vivemus, recinendum duximus, quique quando Deo placuerit, vita functi fuerimus, ad illud obeundum dilectum etiam filium nostrum Nereum dictae S. R. E. Diaconum Cardinalem etiam Corsini nuncupatum nostrum secundum carnem ex fratre germano nepotem per literas Apostolicas in forma Brevis sub annulo Piscatoris desuper expeditas Apostolica auctoritate deputavimus; Petrum Mariam Cardinalem ac Fratres Ordinis hujusmodi specialibus favoribus, & gratiis prosequi volentes Motu proprio, & ex certa scientia, ac matura deliberatione nostris; deque Apostolica potestatis plenitudine, & ex voto Congregationis particularis hujusmodi, quod omnes, & singuli Superiores regulares, etiam locales, dicti Ordinis indumenta, & paramenta Ecclesiastica ad dicti Ordinis Ecclesias tantum spectantia, dummodo in eis Sacri Olei unctio non adhibeatur, rite benedicere libere, & licite possint, & valeant, Apostolica auctoritate, tenore praesentium perpetuo concedimus, & indulgemus.

De hujusmodi Congregationis consilio Superioribus localibus hujus Ordinis facultatem tribuit benedicendi sacros Apparatus.

§. 3. Praesentes quoque literas nullo unquam tempore de subreptionis, vel obreptionis aut nullitatis vitio, vel intentionis nostrae, vel alio quantumvis substantiali defectu notari, impugnari, vel annullari posse, sed illas semper, perpetuo validas, & efficaces fore, & esse, suosque plenarios, & integros effectus sortiri, & obtinere, & omnibus, ad quos nunc spectat, & pro tempore quomodolibet spectabit in futurum, in omnibus, & per

Firmitas concessionis.

omni